

GRIONS

- Il cjampanili (n°52)
- La glesie (n°43)
- Sante Ane (n°45)
- La cuccagne (n°9)
- Partide tra vedrans e maridâts (n°61)

IL CJAMPANILI DI GRIONS

Il cjampanili di Grions al è alt 25 m; si pense che al sedi stât fat sù dal XVI al XVII secul.

Chê costruzion e rivave fin al orloj di vuê.

Tor dal 1850 al fo alçât e completât cu la cele pes cjampanis.

Al è sigûr che lis cjampanis a son stadis metudis dal 1920, date che si le cjate su lis stessis cjampanis.



LA GLEsie DI GRIONS

La glesie e je dedicade a sant Andree apuestul, che al è il santul dal païs.

Ancje la glesie e varès di sei dal XVII secul, tant che daûr di cualchidun lis trupis di Napoleon le varessin distrute.

Po si le slargjà e modificà.

Al è sigûr che dal 1900 al 1930 a forin fatis lis ristruturazions che si pues viodilis ancje vuê

SANT ANDREE

Ogni an, la ultime domenie di Novembar, si fâs la fieste dal patron, sant Andree.

SANTE ANE

Tancj agns indaûr a Grions, vie pal mês di Lui, e vignì la peste. Cuintri de malatîe la int si avodà a sante Ane. Il vôt al fo esaudît cuntun miracul.

Ancje vuê si puarte la statue pes stradis dal paîs e si fâs Messe grande.



CUCAGNE

La cucagne al è un zûc popolâr che a Grions si lu fâs tal mês di Lui, intant de fieste di sante Ane.

Adalt di un pâl onzût di gras si picjin angurie, salams, balons di aghe; i zovins, un sore des spalis di chel altri, a fasin une scjale fintremai che un al rive in ponte par dispicjâ la cucagne.

PARTIDE TRA VEDRANS E MARIDÂTS

La partide jenfri vedrans e maridâts si le fâs pe fieste di sante Ane.

Pai fantats dal pâis al è un moment par cjacâsi e svariâsi.

